



Broj: T18 0 KT 0018922 25
Brčko: 29. januar 2026. godine

Optužnica potvrđena dana 10.02.2026. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

1. **I. O.**, rođen 2005. godine u Brčkom,
2. **R. M.**, rođen 1997. godine u Čandama,

Što su:

Dana 23.10.2025. godine oko 08:40 sati, u Brčkom, zajedno sa maloljetnom A. H. došli u sportsku kladionicu „Meridijan“ koja se nalazi u ulici Mehmeda Malića, gdje je maloljetna A.H. primijetila S. S. kojeg od ranije poznaje, pa je po prethodnom dogovoru sa I. i R., maloljetna A.H. prišla S.C. i ponudila mu seksualne usluge za novac, na šta je on pristao, nakon čega su maloljetna A.H. i S.C. napustili navedeni objekat i krenuli prema „Zanatskom centru“ u ulici Konačko brdo, a nedugo nakon njih u namjeri pribavljanja protivpravne imovinske koristi, a što su i htjeli, objekat su napustili I. i R. i krenuli za njima, pazeći pri tome da ih S.C. ne bi primijetio, pa kada su maloljetna A.H. i S.C. došli do napuštenih i devastiranih objekata u „Zanatskom centru“ u objektu su ih sačekali I. i R., gdje je prvo I. s leđa prišao S.C., uhvatio ga sa obje ruke i uz upotrebu fizičke snage oborio na beton, te je maloljetna A.H. pretresela S.C. džepove i oduzela mu mobilni telefon marke „Cubot 20“ sa pripadajućom SIM karticom pretplatničkog broja 066/..., vrijednosti oko 200,00 KM, nakon čega je S.C. prišao i R., te mu iz džepa izvadio novčanik iz kojeg je oduzeo novac u iznosu 1.340,00 KM, a potom odbacio novčanik i zajedno sa I. pobjegao sa lica mjesta, čime su na takav način pribavili za sebe protivpravnu imovinsku korist u navedenom iznosu, a za koji su oštetili S.S.

dakle, kao saizvršioци upotrebom sile protiv lica oduzeli tuđu pokretninu s ciljem da njenim prisvajanjem pribave sebi protivpravnu imovinsku korist,

čime bi učinili krivično djelo – Razbojništvo – iz člana 283 stav 1 u vezi sa članom 31 Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
